


পোয়া-মাইয়া অলর লাই বাইবেল

যা প্রকাশ গইজে



ইলিশায়, আর্চায়্য  
কাজর মানুষ



যে লেইক্কে: Edward Hughes

যে ছবি আইক্কে: Lazarus  
Alastair Paterson

যে সম্পাদন গইজে: Ruth Klassen

যে অনুবাদ গইজে: Arpan Dey

যে পরিচালনা গইজে: Bible for Children  
[www.M1914.org](http://www.M1914.org)

©2024 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার, ইলেকট্রনিকস,  
রেকর্ড গরিবার আর ছবছ লেখিবার অনুমতি দন গেইয়ে।


1

এডে লাঙ্গল টানিবার মতন তেএন বেশী বলদ নোয়াছিল। আর উঙ্গা লাউগদ।  
কিন্তু একজন যুবক যার নাম উলিসায় ইতা কঅনঅ ব্যাপার মতনঅ নঅগরে!

ইতা নিজরে উঙ্গা বলদর অংগে  
জুরিদিয়ো। ও খুবই শক্তিশালী, আর  
বুদ্ধিমান পরিশ্রমি মানুষ।




2



ইতা যহন লাঙ্গল টানের, এনসমত ঈশ্বরের ভাববাদি এলিয় আইয়েরে ডাইকেয়ো। একদিন ঈশ্বরে এলিয়েরে অইনর বাতাসত গরিয়েরে স্বর্গত তুলিনিয়ো। ইলিসায় এহন ইস্রায়েলত ঈশ্বরের ভাববাদি।


3



এলিয় গিয়েগইদি ইয়ানরলাই ইলিসায়অর মনত দুঃখ, ঈশ্বরের কাছে পার্থনা গইজে যেন এলিয়র মতন তারেঅ ক্ষমতা দেয়া। ইলিসায় এলিয়র চাদর লইয়েরে, খালর উবর বারি দিয়ে এলিয় যেন গজ্জিলা। পানি আলাদা অইগিয়ে!


এখন ইলিসায়অ জানে যে ঈশ্বর তাঁর সঙ্গেঅ আছে।

4




ইলিসায় বৈখলাহম শঅরত যার এন সমত, কিছু যুবত পোয়াইনদে ওনারে টিটকারি দিয়ে, “যা, যা টাককু মাথা!” তার ইলিসায় যে ঈশ্বরের সেবত ইয়ানরে কঅন পাত্তা নদে। তারর উবরে আচম্কা একখান ঘটনা ঘইঠ্যে। পারর ভিতরর তুন দুয়া ভাল্লুক আইয়েরে বেয়াল্লিশ জনরে করিয়েরে মারি ফেলাইয়ো।

5




একদিন ইলিসায় এক বিধার দেখা পাইয়ে যে টেয়া উদার লইয়েরে আর ফেরত দিত নপারের। যার কাছতুন টেয়া উদার লইয়ে ইতার টেয়া ফেরত লইত বিধবার দুই পোয়ারে জোর গরিয়েরে দাস বানাইত চারা। ইলিসায় বিধবারে কইয়ে, “মাইনস্য ঘরে ঘরে যাইয়েরে খাইল্ল্যা বতল তোয়াই আনগই!” ঈশ্বর এই বিধবার জীবনত বিশেষ কিছু গইরত যারা।

6



এই বিধবার ঘরত মাত্র উঙ্গা বতলর তলাত একখানা গরিয়েরে তেল আছিল। কিন্তু এই বতলরতুন বিধবা ডালি ডালিয়েরে যত বতল মাইনস্যরতুন তোয়াই আইন্যে বেয়াল্লিশ পুরাইয়ো! এন সমত যদি ডর, ডর কঅনঅ ডেরাম থাইকত, তইলি কি ঈশ্বরে ইউনঅ পুরাইত? এই তেল বেচিয়েরে বিধবা তার পোয়াইদরে বাচাইয়ো।

7



আরেক জামাই বউ তারর ঘরত মইধ্যে ইলিসায়রলাই একখান কামরা বানাইয়ে যেন এই পথদি যাইবার সমত ইলিসায় এডে থাগিত পারে। ঐ কামরাত ইলিসায় ছারা আর কঅনকিয় নথাইকত।


8

ইলিসায় চিন্তা গরের কেনগরিয়েরে এই জামাই, বউঅর উপারর পতিদান দিবা যহন ইলিসায় উনন্যে যে এই বউর কঅনঅ পোয়াছা নাই, ও এই মহিলারে এন কথা কইয়ে এই মহিলা বিশ্বাস গরিত নপারে। “আগামি বছর এন সমত তোয়ার উঙ্গা পোয়া অইব।” যেনকইয়ে এন, একবছর বাদে পোয়ার জন্ম অউয়ে।




9

কিছু বছর পরে বাবার সংগে পোয়া ইবা খেতিত গিয়ে। “আর মাথা, আর মাথা,” কেইয়েরে চিল্লাই উঠ্যে। পোয়ারে যহন ঘরত আনিয়েরে মার কাছে কছে দিয়ে, বেলপরন ওয়ান আছিল তারপরে মারা গিয়ে। মাই পোয়া ইবারে ইলিসায়র বিছানাত ফুতাই রাইখ্যে। কি মনঅ গরঅর তার কঅনঅ উপার অইব?




10

অনেকি কইত চঅন ইলিসায়? অনে ঠিক কইয়ন! মা উঙ্গা গাধার উবরে উডিয়েরে ইলিসায়রে তোয়াইত বাইর অইয়ে। ইলিসায় তার ঘরত আইয়েরে একাইল্ল্যা ঐ কামরাত যাইয়েরে ঈশ্বরর কাছে পার্থনা গইজে। ঈশ্বরে পোয়া ইবার জীবন ফিরাই দিয়ে। ইলিসায় মারে ডাকিয়েরে কইয়ে, “তোয়ার পোয়ারে ল-ই-জ।” মা কঅত খুশি অইব এহন!




11

পার্শ্বর্তী দেশ সিয়র একজন সেনাবাইনির কমান্ডার থাইকত যার নাম ইয়েদে নামান। খুব নামকরা আর্মি কিন্তু তার খুবখারাপ চর্মরোগ আছিল যারে কুষ্ঠ রোগ কয়।




12

নামার বউর ছোডমিক্য উঙ্গা কাজর মাইয়া আছিল যারে ইস্রায়েল দেশতুন ধরি আইনন্যে। ছোড মাইয়া ইবা কইয়ে, “নামান যদি একমাত্র ভাববাদি যে ইস্রায়েলত থাকে এই ইলিশায়র কাছে যায় তইলিই তার কুষ্ঠ রোগ ভালা অইব।”




13

নামান ভাববদির সংগে দেহাগইরত বাইর অইয়ে। সঙ্গে সোনা, রুয়া, সুন্দর সুন্দর দামি দামি কাপর আর উপহার লইয়ে।




14



ইলিসায় দাস বাইর আই আইয়েরে, কইয়ে, “যর্দন নদীত যাইয়েরে সাত বার ডুব দঅগঅই তঅইলে পরিক্কার অইবা।” নামানর মাথা গরম অইগিয়ই। আর দেশত, সিরিয়াত কি ইয়ানরতুন বরে ভালাভাল পানির খাল নাই, যেডে গোছল গরা যায়? রাগতরিয়েরে নিজর দেশত যাইতই লাইগ্যে।

15




হঠাৎ গরিয়েরে নামান একজন দাস নামানরে ইলিসায়র কথার বাইদ্য অইত কইয়ে। তারপরে নামান যর্দন নদীত যাইয়েরে সাত বার ডুবদিয়ো। আর নামানর কুষ্ঠ ভালা অইগিয়ো। তারপরে নামানে সত্যিকারর ঈশ্বরর আরাধনা শুরু গইজে, ইলিসায়র ঈশ্বর, যে ঈশ্বর তার কুষ্ঠ রোগ ভালা গরিদিয়ো।

16



ঈশ্বরে তার সেবক ইলিসায়রে মারা যাইবার পরেঅ ব্যবঅার গইজে। একদিন উঙ্গা মানুষরে বউত বছরে আগে যেডে ইলিসায়রে কবর দিইল এই জাগাত কবর দিয়ো। আর এই মারা মানুষ ইবা যহন ভাববাদির আড্ডির অঙ্গে লাইঙ্গে, মানুষ ইবা বাচি উডিয়েরে থিয়াইগিয়ঐ। আসলে ঈশ্বরে তার সেবাকারী ইলিসায়র মইধ্য দিয়েরে তাঁর মোহান ক্ষমতা দেহাইয়ো।

17



ইলিশায়, আর্শচায়্য কাজর মানুষ

ঈশ্বরর বাইক্য পবিত্র বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

২রাজাবলি ২-১৩

“তোঁয়ার বাইক্যই আঁর জীবনর আলোর কেবার (দরজা)”

গীতসংহিতা ১১৯:১৩০ পদ

18




শেষ

25



60

19



এই বাইবেলের কাহিনী ইবা যে, আরারে তৈয়ার গইরগে এবং তিনি চান যেন আরা তাঁরে জানি আরার সেই চমৎকার ঈশ্বরর ব্যাপারে আরারে কয়।

ঈশ্বর জানে যে, আরা খারাপ খারাপ কাম গইরগি যিবারে ঈশ্বর পাপ কয়। পাপর শান্তি মরণ কিন্তু ঈশ্বর আরারে বেশী ভালবাসে। তিনি তাঁর অগ্নো পোয়া যীশুরে আরার পাপর লাই ক্রুশত মরিবারলাই আর শান্তি পাইবার লাই পাঠাই দিইল। পরদি যীশু মরনরতুন জেয়াতা হইয়েনে স্বর্গর মধ্যে যে, ঘর আছে এডে ফিরি গেইয়ে। যদি অনে যীশুরে বিশ্বাস গরণ আর অনর পাপর লাই তাঁর কাছে মাফ চন তইলে তিনি মাফ গরি দিব। তিনি এখন আইয়েরে আরার মধ্যে থাকিব আর অনেও তাঁর মধ্যে আজীবন থাইবেন।

যদি অনে বিশ্বাস গরণ যে ইবা হাঁসা তইলে ঈশ্বরর কাছে এই প্রার্থনাওয়া গরণ: প্রিয়া যীশু, আই বিশ্বাস গরি দে, তুঁই ঈশ্বর আর আরার পাপর লাই মরিবার লাই মানুষ হইয়েনে জন্মগ্রহণ গইরজুইন। আর এখন তুঁই আবার জীবিত আছন। দয়া গরি আর জীবনত আইয়ো আর আর পাপ ক্ষমা গর যেন, আই এখনতুন নওয়া জীবন পাইত পারি আর এক দিন হরাজীবন তোয়ার অংগে থাইকতো যাইত পারি। আরে সাহায্য গর যেন, তোয়ার আদেশ মানিত পারি। আর তোয়ার পোয়া হইয়েনে তোয়ার লাই জীবন কাটাইত পারি।

বাইবেল পড়ন আর পোস্তকদিন ঈশ্বরর অংগে কথা কন (যোহন ৩:১৬)।

20